

騰上九天

覺夢

天風吹我到江城萬戶無聲犬不驚可惜許多平日氣都從夢裏誤平生

覈玄

大道當前無所名玄關一點會真精谷神只要常虛在何慮玄玄不得成

卽事

燭燼香寒夜半時譙城更鼓故遲遲天風送與鸞輿至一笑凌雲任所之

道藏輯要

呂帝詩集

六

室集七

詠梅

寶鼎香生帶紫霞青煙一抹拂梅花賞心不待春三月雪裏含胎異種葩

金丹

金丹灼灼彩光浮直要功夫去取求萬壑千峯只一嘯這回便是白雲樓

元夕前二日

廠閣風清夜氣涼欄杆明月散雲光春宵何事千金價贏得仙人鶴影長

示殷秉誠